



浪迹小藁
全

柳田文庫
文庫11
A1201



文庫 11
A/201



浪迹小藁

浪迹小藁



華頂山
房藏梓

靜區遺稿序

庚辰夏岡本黃石先生與數客問
余墨水艸廬呼酒縱譚及近世先
生今年七十矣少遭德川氏盛時
熟其故事余因問天保間浪華有
大鹽後素之變方是時海內不見
兵革二百餘季士民驚愕失度獨
其門人某守節不屈死余惜失其

姓名言未畢先生泫然曰嗟呼是
吾兄東昱也曰說其死事甚詳余
傾聽久之躍然起曰東昱可謂仁
之至義之盡矣坐客或議東昱從
後素幾年蓋知其為人後素剛戾
自信其決死舉事豈從諫中止者
噍噍多言何為也苟使東昱佯從
其謀急走上變不啻免於禍且不

有功於國家乎余大呼曰子非知
東昱者也夫起兵作亂其源不一
有背叛君父窺窬國家者有盜竊
剽劫毒害人民者有切齒奸邪悲
憤激發者後素之舉雖由一時之
憤激見其所為未可概為亂臣賊
子也東昱意謂大義滅親後素果
謀反逆雖先事上變可也願奸商

清通山集
閉糶官吏不問後素論爭不用憤
激舉事是其意本為民也吾豈忍
乘禍自利乎然犯法弄兵罪在必
誅坐視不救非義也故極諫不聽
乃曰事至此固亦辨一死其從容
就義自處者審矣非徒果於死也
子不見近者西鄉隆盛之叛乎其
門人子弟數千人相率搆煽以陷

不義未嘗聞有一人倚義極諫繼
以一死如東昱者蓋武勇有餘智
識不足至死不覺也吾於是知東
昱所為仁之至義之盡矣坐客肅
然皆稱善洗盃更酌痛飲而止居
數日先生遣東昱詩一卷寄余曰
子知東昱者蓋序之余受閱之結
搆周密措辭溫藉絕無浮誇體果

知其為人嗚呼東昱非以詩傳者也然觀物思人其詩可無傳乎乃錄余嘗與先生道者為之序
明治十四年七月

學海依田百川謨

即山神波桓書



字津水靜區先生傳

先生姓字津水名竣字東昱號靜區稱矩之丞初名靖字共甫稱儀二彥根藩老職其次子也幼出為越前一向僧某寺義子好讀野乘每英雄戰爭之際輒意氣慷慨眠食俱忘後學作詩試用圓機活法題而賦僅一月皆成之稍讀儒書有會心焉年十七慨然曰大丈夫生於士大夫家不能自激昂以馳騁于一世而碌碌終於浮屠氏耶遂辭去寓京師然貧困無依傭書自給冬日體無重衣有時

併日而食。或憐之。贈以衣。不敢受。時賴山陽中島
棕隱。文名喧于京師。先生往學焉。嘗讀陸象山集。
觀其自立之說。亦慨曰。儒者當如此。於是專精覃
思。學之有年矣。會大鹽氏唱姚江之說於大坂。即
往而論心理。頗服其說。竟執弟子之禮。大鹽氏平
生高自標置。於人無所許可。獨於先生待以朋友。
不肯弟子視之也。數月將去游四方。臨行。大鹽氏
贈以名刀一口。金拾兩。蓋深有所望云。遂寓長崎。
教授生徒。生徒常六七十人。穆亦得執贄以從其

後焉。居八月。歸省其親。穆從焉。復經大坂。寓于大
鹽氏。明年大鹽氏作亂。卒死其禍。初大鹽氏之為
亂也。曉起宣言曰。不從者殺。穆聞而大驚。急起至
先生之牀。先生從容曰。昨大鹽氏竊招余曰。方今
天下凶荒。餓莩相望於途。而不知發。余目不忍見
之。因賣藏書周之。尚不足救万一。余將屠豪戶而
救之。卿意如何。余曰。不圖先生出此言也。夫救災
恤民。官自有其人。况屠豪戶濟之。是其所以救民
者。即所以災民也。其不為亂民者幾希矣。苟余言

之不聽。則師弟義永絕矣。安從亂民之為乎。彼見余不從。溫言謝之。然余固知其不可回。今事至此。固亦辨一死矣。即援筆作一書曰。區區一邑。畏汗血。不數十年。當就衰竭。其他蛻殼。亦不過奉蠅螋耳。今日乃得為忠孝之軀。豈非天下幸甚人也歟。滿腔熱血。意洒何地。予忠肅先得我心。同然者。從容就義難。如平生養氣。未必難。但如疊山公。則實不易。段大尉象笏。大是佳物。李懷光能異。石演芬之身首。竟不能使異其心。守野某之於明智光秀。

六郎公連之於平將門。亦可人。世有詩本粉本之稱。予竊取孫忠烈許忠節為忠本。畢竟使李瓘吞憾地下。蓋絕筆也。書畢托穆曰。汝幸達之鄉里。穆請共去。先生曰。賊注目於余。逃避無地。汝妙齡賊未必留意。宜速去。穆請共死。先生曰。余與汝皆死。天下誰不以我為亂民賊黨者。則辱及君父。罪莫大焉。汝果能達書鄉里。使我母及兄弟知吾死。于義則汝之所以報于我者厚矣。會賊徒大井正一郎等數人。提刀而來。先生在廁。疑其逃而去。穆即

清江先生傳
卷四
往告之。先生曰。固當然。尚何恠焉。出而盟。正一等
又來。先生叱穆而去。已而正一刃先生。先生從容
伸頸受之。未殊。穆尚不忍去。先生瞋目大聲叱之
曰。去去。嗚乎。嚴尚在耳。而竟為永訣矣。哀哉。實天
保八年丁酉二月十九日也。亂定。請官而葬。得屍
於兵燹中。其傍數尺。烈燄不及。故其支體不少爛。
如有天祐者。先生方頤細目。白括肥大。多鬚髯。而
有威風。少時學御善御。悍馬。其學以實行為先。
不貴論議。初以朱子為宗。後主象山姚江。其教弟

子極嚴。先生於書無不究。尤精于易。所著易說若
千卷。詩文若干卷。亡於兵燹。其存者詩稿僅一卷
耳。先生不欲以詩文成名。故不甚用意。然其詩端
莊豐蔚。若其為人。沒年僅二十九。哀哉。門人長崎
岡田穆謹撰。

浪迹小草

淡海 宇津木靖共甫 著

逢坂關

斜陽古關路。渺渺客心悲。故國殘山坼。前途老樹危。一身甘棄物。多病遇清時。可笑水雲跡。仍將書劍隨。

澱口

秋風澱水闊。落日攝山連。鄉友難為會。家書久不傳。浪驚寒鷺岸。沙迥暮生烟。老木昏鴉集。向津呼

夜船

浪華送人之越前集句。

風物淒淒宿雨收。朔雲寒菊倍離憂。貧交此別無
他贈。溪水隨君向北流。

客夜

夜館孤燈暗。寒蛩老不啼。霜凝水聲絕。風死月輪
高。到處彈長鏃。無人贈締袍。窮通向誰訴。笑看匣
中刀。

小恙

弟兄何日見。惻惻病相攻。名負責遊種。蹤將處士
同。羈愁春觸柳。別恨夜聞鴻。棠棣花前酒。何時醉
惠風。

奉寄公族桑村君

單身為客海雲端。自笑栖栖終未安。倦脚逢春空
獨去。愁心迎月好誰看。窮途不道乾坤窄。生計原
知江海寬。何日重攜一瓢酒。湖山清夕接餘歡。

凡龜僑居中文蔚橫井川叔汲見訪即相攜
訪戶祭士彥席上分韻得樂。

春日澹以清。晴潮映海廓。午烟裊微風。桃花紅灼灼。好乘此麗景。便試阮家屐。二公一厚意。散步任短策。細草綠漸萋。漫流上畧約。中野急農功。村俗盡操作。徒倚何所期。城西隱士宅。垣籬隣農家。門絕車馬跡。中公揖我入。主人出迎客。屏障皆畫詩。牙籤插圖籍。古松一何鬱。足見主人適。中堂啓行厨。金罍分仙液。樂飲不過量。雅談真莫逆。初信名教中。本自存真樂。

謁小楠公墓

含淚慙懃辭紫閣。誓將一死定中原。箕裘未繼多年恨。茅土長懷往日恩。老樹幾枝從北朽。殘碑半面向南存。但憐寂寞秋山裏。無復捷書聞至尊。

海樓

茫茫千萬里。豪氣箇中橫。山向中原斷。潮通異域平。生涯佩一劍。海內任孤征。天地容微物。臨風恥聖明。

小松僑居

數卷陳編懶細看。任他筐底蠹魚餐。天涯又是際

春盡風雨夜山孤劍寒。

登海樓寄弟迪

書劍飄零劇自憐。客中何處不凄然。悲鴻海閣坐
秋月。獨樹山家投暮烟。子美天涯多病日。仲宣江
上未歸年。何時春雨一犁裏。耦耨南塘幾頃田。

歸五峰

滿溪綠樹合雲深。不見寺巖泉聞漸近。暗湫澆草
履暮林有歸樵。徐擔新月去。

五峯偶成

山送蒼涼境味清。黃昏尤覺協幽情。風過水外人
孤步。月出峯頭鶴一聲。香象暝馱羅漢立。彫龍冷
吐閤伽鳴。憶曾獨坐空堂雨。閑向燈前唱佛名。

應某需題雷雨大幅

元氣淋漓一幅中。披來唯覺座生風。於菟靠樹數
聲震。列缺閃空千丈紅。非是山東孕隆準。必知大
麓試重瞳。平生我亦好奇古。想子對茲心更雄。

寄橫田敬德泰田子文

時在松山

飄零塵土未抽身。每寄萍蹤輒浹旬。芥水風烟違

清
遠
山
草
四
故舊。松山猿鶴笑。閑人。長途徒自憐。多病。短褐依
然。守素貧。想得孤舟幽討處。琴樽載去。醉青春。

夜憶戶祭士彥

溪。叢。響。竹。不。聞。風。一。點。飛。螢。落。露。叢。立。盡。空。山。蘿。
月。影。相。思。人。在。海。天。東。

野水馬所見

落日高低麥隴浮。烟遠近山村。屋疎初點燈火。寺
邃更闕洞門。

夜懷

空山霖雨罷。樹色晚逾稠。池小蛙時沒。風輕螢自
流。林花當澗落。竹露入窓浮。自是夜懷淨。幽人吟
未休。

題秋郊圖

路入孤村楓樹秋。稻梁幾處未全收。半邊黃日攢
過水。一桁青山人倚樓。

為鶴洲上人寄題虫二室

室在江州

清風一棹夕陽灣。露冷黃昏載月還。自笑遠來千
里外。為人翻是說湖山。

從軍

黃沙白草雁含霜。獨立營門夜未央。粉蝶連天雲漠漠。清笳幾處月蒼蒼。秋穿戰甲心猶壯。曉襲寒衣夢自長。聞道朝廷新設策。又教王翦到_中潁陽。

昭君

忍憂忍耻若為情。一曲琵琶別有聲。自古黃沙無限恨。到今青塚獨留名。

知泉寺避暑得雲字

行傍林間路。到門溪水分。清風如有意。幽鳥好時

聞。樹密常藏雨。山深欲起雲。相逢塵外客。半日共論文。

五峰小集

豈圖書劍客。屢接菩提筵。風動旃檀樹。月臨兜率天。荷清自受露。竹密復通泉。方外因緣在。幽期非偶然。

聞某大夫致仕退居有此寄

雲山入夢久相尋。今日方初披素襟。身退免逢三字獄。心清畏受四知金。衡門柳合猶嫌淺。幽屋溪

環不厭深。想見逍遙真適意。掃來苔石坐彈琴。

月夜憶京中故人。

下階人步月。上階月窺人。如見故人面。胡為不是真。

客夜書懷寄津坂川邨二子。

比來魚雁兩無因。獨向燈前與影親。遙想洞津城上月。夜深猶照苦吟人。

星夕偶作

天末值秋來。今宵是七夕。一水澹盈盈。雙星恨脉

脉。縱令多別愁。勝作未歸客。

謝。七月十九日。得慈母書。并見寄暑衣賦。此奉

家信。何妨或後期。感恩只覺易。歡歎南州原是多。殘暑恰好秋來著。紵衣。

登樓口號

西風無處不生愁。且取微醺倚海樓。却想全家俱對月。應憐父老獨逢秋。

安倍仲磨

十年留學費精神。不獨才調稱絕倫。萬里遠隨天子使。一身甘作外藩臣。可憐回首望明月。只識馳心憶老親。聞否聖朝仁莫大。優恩長恤舊家人。朝

啣命使本國詩天中
慕明主海外思慈親

別鶴洲上人

上人破格餞以酒。蔬芋如山滿盤盃。自起洗杯勸我飲。更謂酒盡猶可沽。我感慈悲強且舉。未能作醉淚如雨。我歌一曲師試聽。但恐聲短詞且苦。日慘慘兮風淒淒。林木蕭蕭葉正飛。前有鳴鴻後暖

鶴。秋風海驛行人稀。悲秋尋常難為別。况乃遠道非美歸。一歌已畢再歌起。節長轂逼詞亦俚。我原江州弓馬是世家。六歲出為浮屠子。爾來一十有八年。狂愚成質不自揣。乍把書劍脫袈裟。自謂足以拾朱紫。時清廟堂才彬彬。下到錢穀不乏人。儒生為言多迂遠。更嫌奔走逐馬塵。因是遂不能得意。退向丘壑欲養真。又思男兒寧有此。千里之行自此始。今年歲已二十七。落魄未作環堵室。貧賤到處交易疎。惟師於我長如初。且聞真俗元相背。

為喜相容每優貸。莫厭醉來只多言。此心只要向
師論。是時上人微笑曰。我將授子以寶筏。水之流
兮。何泱泱。山之峙兮。何蒼蒼。

赤馬關訪管野鶴舟送予賦此以謝。

環江重疊幾青螺。一面晴潮涵落霞。忽覺孤舟隨
岸轉。垂楊隔斷故人家。

發赤馬關

落日秋風壇浦頭。征人又此買輕舟。江流本是無
情物。猶自東歸竟未休。

宿原田驛

疎星落落帶松杉。露氣侵林暗濕衫。水碓終宵隣
草屋。林砧幾處度雲巖。自甘久客同王粲。誰恤孤
貧似阮咸。早識聰明翻誤已。賈生惟合不逢讒。

田代途中憶京師諸友

中州不可望。徒倚夕陽時。夙志風霜苦。羈心歲月
馳。天隨遠水盡。山入暮雲危。勞者知何事。尊鱸合
有期。

驛馬高原路。憑鞍一浩歌。雁驚秋水濶。猿斷暮山

多。白。日。嗟。衣。短。青。雲。嘆。志。蹉。相。思。無。所。寄。空。望。遠。
雲。過。

呂政

七。碑。逐。鹿。只。遑。遑。獨。向。中。原。逞。虎。狼。信。識。何。心。興。
土。木。火。經。無。意。亂。綱。常。徒。教。方。士。逃。東。海。終。奈。儲。
王。死。北。方。地。下。魚。燈。油。未。盡。阿。房。秋。草。已。飛。霜。

隋堤

蕭。蕭。景。物。野。塘。春。一。望。愴。然。無。限。神。夕。照。正。間。鷗。
沒。水。溟。烟。漸。起。草。迷。津。六。朝。冠。蓋。歸。何。處。千。里。江。

山。屬。後。人。遺。恨。唯。餘。幾。株。柳。東。風。日。暮。故。舍。鬻。

擣衣

千。遠。浦。和。風。急。孤。村。帶。月。寒。鄉。心。正。無。限。倚。遍。小。欄。

客中效陶彭澤體

浩。歌。滂。歔。歔。此。心。復。誰。知。世。俗。只。輕。薄。斯。道。一。陵。
夷。有。似。大。厦。頽。一。水。終。難。支。信。手。展。卷。帙。偶。得。澗。
明。詩。讀。之。頻。發。憤。高。風。不。可。追。人。生。真。朝。露。誰。得。
百。年。期。明。月。難。長。圓。春。花。易。萎。衰。形。骸。一。歸。土。殷。

名果何為。飲酒坐且歌。陶然情緒披。噫嘻人生樂。唯在把杯時。

客中除夜

沾沾潛思逐清塵。苦學何時始立身。二十六年將盡夜。三千餘里未歸人。寒燈照影瘦相顧。凍筆寫情愁更真。韓子辛勤廬未有。何堪客裏又迎春。

浪迹小草畢

贈別於子栗擇言

吾 夫子太虛良知之說。人多疑之。偶有左袒之者。則或引袖而笑之。或叩席而排之。甚焉則側目於坐隅。如視酷吏之虐人者。此所謂意見作障者。而僕所目擊也。如爭之則徒援彼怒心。我亦不能不生求勝之心也。其亦害道者不尠。足下歸國後。其或有此事。當此時。願一思僕言。夫人不知不愠。則君子也。而如吾 夫子之教。固亦唯在信我知耳。又將何求勝之為。然如親故及朋友。或欲開

諭之亦當有法。所謂就其良心發見之處而拈點之者歟。其他亦在顧。足下之知何如矣。僕竊謂足下之性甚直。故所不堪物者亦在矣。雖然。如容他忠言。則亦有人之所不及者。是因。足下之嘗容僕言而知之。所以區區婆心敢以告焉。嗚呼。如開諭於人則難甚。足下願一就。夫子質之。庶幾乎自當有所安也。是僕欲自初告之言也。足下請擇焉。

甲午季冬十六日夜將二更。書諸燈下。固任筆

之所到者。恐有文義之難通者。因俟他日。更欲改脩以貽之。

友人字津水 靖

靜區先生贊

知死難矣。處死尤難。先生從容受刃。不酸為師。盡言立志。自安人能奉教。節義可觀。遠達遺書。使家人看我讀其傳。掩卷長歎。

紀州 袖岡倉田績再拜

四十年前贈別言足觀文道至
誠存感君千里遠遺我一片回
袍心血痕

長州井上子栗郵致止兄東墨贈別文
一篇附以一絕句即次其韻併附浪迹
小稿之末云壬午三月識於東京菊坊
寓屋

岳本迪



跋

宇津木君非以詩傳者
也不以詩傳而其詩乃
傳君天資銳敏業成
不惟長崎適寧親秀根

清江雜錄
道大改諸舊師大鹽某
時某因事作亂強君
君抗辯不屈死之年
僅二十九予嘗觀歿前
一夕寄家書牘辭正

義直濠有生氣予不
及知君而與君弟黃石
因本弱交頃若翁刻
君詩乞予及巖谷誠
卿校正披卷閱之豪

健警拔如其人則君待
 如不傳得乎明公度辰
 秋。肥前野口青苦識
 此路脱村伯衣屬奈代書辨出
 君札与文不祿伯在不聽可謹雅
 塞責 翁以昌竟德之 謹禮

明治十五年
 五月八日
 出版御届

著者共
 出版人

滋賀縣士族

岡本黄石

鞠所區平川町丁目五番地

東京	磯部力郎玄衛	大坂	柳原森玄系
發全	牧野吉兵衛	全	岡田茂兵衛
兌全	林 安之助	尾列	出島真七
書全	山中市之丞	名古屋	片野東四郎
林全	佐々木惣四郎	全	梶田勘助
全	北村四郎玄系	製本	北島茂兵衛
		賣弘	

東京市本橋區通丁目十五番地

010190525916

48-12921

